

ორი ნახევარფინალი

ერევანი. “რაზდანის” სტადიონი. 16 ივლისი.

“არარატი” (ერევანი) – “დინამო” (თბილისი) 3:1 (0:0).

“არარატი”: აბრამიანი, გევორქიანი, სარქისიანი, მირზოიანი, მარტიროსიანი, ანდრეასიანი, ბონდარენკო (მესროპიანი), პოლოსიანი, იშტოიანი (ზანაზანიანი), მარქაროვი, პეტროსიანი.

“დინამო”: გოგია, ძოძუაშვილი (გ. მაჩაიძე), ჭელიძე, ებრალიძე, ხიზანიშვილი, ქორიძე, მ. მაჩაიძე, ასათიანი, რეხვიაშვილი, ყიფიანი (გავაშელი), წერეთელი.

მსაჯი: ა. ივანოვი (ლენინგრადი).

ტრადიციულ მეტოქეთა წყვილი – “არარატი” და თბილისის “დინამო” უდავოდ უძლიერესი იყო საკავშირო თასის გათამაშების ნახევარფინალში და მატჩმა დიდი ინტერესი გამოიწვია. შეხვედრა დაიწყო უაღრესად მაღალი ტემპით, ხშირი ორმხრივი იერიშებით. უშელავათო ბრძოლა მიმდინარეობდა მინდვრის მთელ ტერიტორიაზე, ყველა რგოლში, ყოველ პუნქტში. მასპინძლებმა სცადეს უპირატესობის მოპოვება, მაგრამ დინამოელთა შეწყობილი, ხშირი იერიშების შემდეგ იძულებული იყვნენ უკან დაეხიათ თავიანთი ძალები და საკუთარი კარის უხიფათოებისთვის ებრუნათ. პირველად ერევნელთა კარში შორიდან ბურთი დაარტყა მ. მაჩაიძემ. ამას მოჰყვა ყიფიანის, რეხვიაშვილის, ქორიძის დარტყმები, რამდენიმე კუთხური მონჯობა ორივე ფლანგიდან. მარცხენა ფრთაზე წერეთელს კარგად უმაგრებდა მხარს ხიზანიშვილი...

ყველაფერი ეს გაგრძელდა დაახლოებით 15–20 წუთს. ამ პერიოდში თბილისელები საუცხოოდ თამაშობდნენ, მაგრამ განვლო ამ დრომ და ბრძოლის სურათი თანდათან შეიცვალა. “დინამოს” თავდამსხმელებმა მოუკლეს შეტევას, ჯერ რეხვიაშვილმა დაკარგა რამდენიმეჯერ ბურთი, შემდეგ ბრძოლას გამოეთიშა წერეთელი, ვერ შეძლო კომბინაციური თამაშის აწყობა შუა მინდორში ასათიანმა და ამ ზონაში სრული ბატონ-პატრონები ერევნელები გახდნენ. ისინი მეთოდურად, მოთქმულად აძლიერებდნენ შეტევას და, თუმცა, ტაიმის ბოლომდე საგანგაშო არაფერი მომხდარა, სულ უფრო ცხადი ხდებოდა, რომ უპირატესობას “არარატი” ეუფლებოდა. დინამოელთა თითოთოროლა კონტრიერიში და შორეული დარტყმა მხოლოდ ეპიზოდური იყო.

მაგრამ ეს მაინც თანაბარი ბრძოლა გახლდათ, სადაც ორივე მხარე ერთნაირ შანსებს ინარჩუნებდა.

ყველაფერი მოხდა მეორე ტაიმში, რომელიც თბილისელებმა პირნმინდად დაუთმეს მეტოქეს. მათი სადებიუტო თამაშის ნასახივ ალარ დარჩა. თავდამსხმელებმა ფაქტიურად მთლიანად შეწყვიტეს თამაში წინა ხაზზე, ისინი ყოველ ბურთს უბრძოლველად უთმობდნენ “არარატის” მკველელებს, რომლებიც მირზოიანის მეთაურობით რეგულარულად გამოდიოდნენ მოპირდაპირე ნახევარზე და აქტიურად მონაწილეობდნენ თავიანთი გუნდის საიერიშო ოპერაციებში. ვერც ნახევარმკველელებმა შეძლეს რამდენადმე მაინც მონესრიგებული წინააღმდეგობის განწევა და თამაშის მთლი სიმძიმე დაანვა “დინამოს” დაცვის ხაზს, სადაც სისტემატურად უშვებდნენ შეცდომებს ძოძუაშვილი, ჭელიძე, ებრალიძე.

პირველ წარმატებას ერევნელებმა მიაღწიეს მაშინვე, 47-ე წუთზე, ცენტრში გათამაშებული ბურთი მარჯვნივ გადაეცა იმტოიანს. მან კარის გასწვრივ მიაწოდა, ხაზიდან ორიოდ ნაბიჯზე მყოფმა მარჯაროვმა კი მიმართულება შეუცვალა ბურთს – 1:0. ეს ეპიზოდი ტელევიზიით ვნახეთ რამდენიმეჯერ, რაც ეკრანზე ჩანდა, ეჭვს არ იწვევს, რომ მარჯაროვი ამკარად თამაშარე მდგომარეობაში იყო, მაგრამ არც ლენინგრადელმა არბიტრმა ა. ივანოვმა, არც მისმა თანაშემწემ ამას ყურადღება არ მიაქციეს. გოლი ჩაითვალა.

ჩვენ არ გვინდა მსაჯების ეს შეცდომა თბილისელთა გასამართლებელ არგუმენტად გამოვიყენოთ. “არარატი” ამ მატჩში “დინამოზე” მთელი თავით მალლა იდგა, გამარჯვება მას ღირსეულად და სავსებით დამსახურებულად ხვდა წილად. ერევნელებს, შესაძლოა, ასე ძლიერად წლეულს არც უთამაშიათ, ამიტომ ანგარიში შეიძლება უფრო მეტიც ყოფილიყო, მაგრამ პირველ გოლს დიდი მნიშვნელობა ენიჭება, თუნდაც ფსიქოლოგიური, ეს გოლი კი, ჩვენი აზრით, ა. ივანოვისა და მისი ასისტენტის სინდისზეა.

ამის შემდეგ მასპინძელთა უპირატესობა თითქმის აბსოლუტურად იქცა. “არარატი” თამაშობდა გაშლილად, ტემპით, კოლექტიურად, მაღალ საშემსრულებლო დონეზე. საუკეთესონი იყვნენ ანდრეასიანი, მარჯაროვი, პეტროსიანი, მირზოიანი, პოლოსიანი, რომლებიც ყველაფერს განაგებდნენ მინდორზე. დინამოელები მხოლოდ პასიური წინააღმდეგობის სუსტ ფონს წარმოადგენდნენ, მდგომარეობის შეცვლა მათ არ ძალუძდათ და, სამწუხაროა, რომ საერთო აღმავლობის იმ ეტაპზე, რომელსაც ახლა ჩვენი გუნდი განიცდის, მან ასე უსუსურად ჩაატარა თასის გათამაშების უაღრესად საპასუხისმგებლო ნახევარფინალური მატჩი.

58-ე წუთზე ანდრეასიან-პოლოსიანის კომბინაცია მეორე გოლით დამთავრდა, ხოლო 64-ე წუთზე ჭელიძის უხეშ შეცდომას ელემენტარულ პოზიციაში მოჰყვა პეტროსიანის მიერ გატანილი მესამე ბურთი.

ამის შემდეგ, როცა თამაშის ბედი უკვე გადაწყვეტილი იყო, მასპინძლებმა შესაძლებლად მიიჩნიეს შეენელებინათ ინტენსიური შეტევა, შეენახათ ძალები მომავალი ბრძოლებისთვის. 78-ე წუთზე მ. მაჩაიძის ნაქცევისთვის “არარატის” კარში დაინიშნა საჯარიმო, რომელიც კარგად გამოიყენა ქორიძემ და ანგარიშიც შეიცვალა.

“ლელო”, 19 ივლისი 1975 წ.